

## كريم العترة تودعه الزهرا صوت النواعي هدار

سبط النبي وريحانته  
چف الخيانه غالته  
جعه اللئيمه سمته  
بامر الزنيم الغدار

صاحت حزينه فاطمه  
واستها أملاك السما  
حور الجنان امالمه  
ترثي سليل الأظهار

تعنت رغم كسر الضلع  
زمزم يصب منها الدمع  
وجر حزنها هالوضع  
قلب الحجر فته الصار

ماج العرش لجل الحسن  
حتى القلم بالحسره ون  
مات الوصي المؤتمن  
يا غضبة الله الجبار

تبجي عليه البسمله  
سبع المثاني معوله  
ضجّت تنوح الزلزله  
تنعى حبيب المختار

الدنيا بعده أوحشت  
داره كئيبه أصبحت  
صروح الهدايه تهدّمت  
مطفئه شعله لانوار

شرعة رسول الرحمن  
يتمها عدل القرآن  
هادي الإنس ويّه الجان  
حبّه نجاه امن النار

مات الإمام المظلوم  
قضّى حياته مهضوم  
چبده فرتها لسموم  
وين اليطالب بالثار